



ADMINISTRACIÓN LOCAL

MUNICIPAL

AS PONTES DE GARCÍA RODRÍGUEZ

Cultura

Bases Cabalgata de Entroido. As Pontes 2023

ANUNCIO

Por resolución do concelleiro delegado da Área de Contratación e Cultura nº 258/2022 do 30 de xaneiro de 2023, aprobáronse as bases para a cabalgata de Entroido 2023 que se transcriben deseguido:

BASES CABALGATA DE ENTROIDO 2023

O Concello das Pontes, a través da Concellería de Cultura propón as bases para a participación na Cabalgata de Entroido 2023 que se celebrará o martes día 21 de febreiro.

1.- Participantes: poderán participar todas as persoas que así o desexen e teñan a ben cumprir a normativa que aquí se expón.

2.- Categorias:

CATEGORÍA PERSOAS ADULTAS: Grupos, parellas e individual

Grupos. Distinguirase dous tipos de grupos por número de participantes.

- Grupos de ata 10 compoñentes.
- Grupos de máis de 10 compoñentes.

En ambos casos os grupos deberán incluír un mínimo de 3 persoas adultas (maiores de 14 anos).

*No suposto de que o grupo trouxese unha **carroza**: (estrutura de grandes dimensións sobre rodas, ben sexa auto-propulsada ou remolcada, confeccionada para tal efecto e convenientemente deseñada e decorada). As carrozas deberán cumprir o esixido no Anexo I e respectar a normativa de seguridade aplicable.

No caso de que se produzan danos a bens ou persoas durante a construción, organización e /ou posterior desenvolvemento da cabalgata, a responsabilidade que se derive será asumida solidaria e integramente polos inscritos como participantes na solicitude.

Parellas e individual. Deberán ser maiores de 14 anos.

CATEGORÍA INFANTIL: grupos, parellas, individual e meniña/os.

A idade máxima para participar na categoría infantil será de 14 anos.

A idade máxima para participar na categoría **meniña/os** será de 6 anos.

Cada participante poderá inscribirse na categoría que desexe, tendo en conta a normativa que se especifica nestas bases. Os grupos infantís estarán compostos integramente por nena/os.

3.- Inscripcións: as solicitudes de inscrición presentaranse no Rexistro Xeral do Concello das Pontes ou a través da sede electrónica (<https://sede.aspontes.com>) en impreso normalizado para este fin. Este impreso estará tamén dispoñible no departamento de cultura (Casa Dopeso, rúa Rosalía de Castro, 1º andar).

O prazo de inscrición abrirase ao día seguinte da publicación destas bases no BOP e rematará o luns 20 de febreiro de 2023 ás 12:00h. As solicitudes presentadas fora deste prazo serán desestimadas.

Os grupos deberán presentar a seguinte documentación:

Asociacións legalmente constituídas:

- Copia do CIF da entidade
- Certificación de datos bancarios da entidade *
- Documento de sinaturas de todos os participantes cuberto (Anexo II).

Agrupacións informais:

- Copia do DNI da persoa representante da agrupación
- Certificación de datos bancarios da persoa/s representante/s *
- Documento de sinaturas de todas as persoas participantes cuberto (Anexo II).

4.- O dorsal entregarase no lugar da saída da cabalgata dende as 16:30h. Para retirar o dorsal deberán presentar a copia da inscrición rexistrada. O xurado non avaliará ás persoas participantes que non amosen o **dorsal** que se lles entrega.

5.- Todas as persoas participantes deberán facer o **percorrido completo**.

6.- Aquelas persoas participantes que se anoten en categorías que esixan a participación de máis dunha persoa, deberán facer o **percorrido en conxunto**, xa que o xurado só avaliará como participantes ás persoas que acompañen á persoa portadora do dorsal co número de inscrición.

7.- Por motivos de seguridade queda prohibida a participación de calquera tipo de animal na cabalgata, xa sexa desfilando ou como elemento de tracción dalgún tipo de carroza ou similar.

8.-Premios:**PERSOAS ADULTAS**

PERSOAS ADULTAS	GRUPOS máis de 10 compoñentes	GRUPOS ata 10 compoñentes	PARELLAS	INDIVIDUAL
1º	700 €	500 €	175 €	125 €
2º	500 €	400 €	150 €	100 €
3º	300 €	300 €	125 €	75 €
4º	200 €	200 €	100 €	50 €
5º	100 €	100 €	75 €	25 €

INFANTIL E MENIÑA/OS

INFANTIL	GRUPOS	PARELLAS	INDIVIDUAL
7 premios	150 €	75 €	50 €

MENIÑA/OS (ata 6 anos)	30 € (máximo 40 persoas participantes)
------------------------	--

As persoas premiadas daranse a coñecer unha vez rematado o desfile.

As persoas participantes que resulten premiadas recibirán na entrega dos premios, un vale polo valor do premio, xunto co modelo de datos bancarios.

* **O prazo para presentar a certificación de datos bancarios da persoa/s premiada/s rematará o 10 de marzo de 2023. As persoas/entidades que non aporten este documento non poderán cobrar o premio.**

O pago dos premios na categoría adulta farase mediante transferencia bancaria ás persoas ou entidades que figuren como representantes na solicitude de inscrición da cabalgata.

Na categoría infantil o pago dos premios farase por transferencia bancaria á persoa (representante legal: nai/pai ou titor/a) que formalice a solicitude de inscrición.

Os premios estarán suxeitos á retención do IRPF de acordo coa lexislación vixente.

9.- Á hora de conceder os premios valoraranse aspectos como a orixinalidade, vestiario, maquillaxe, calidade musical, capacidade de representación, coreografía... así como o desenfado e interpretación do disface que representan; nos grupos terase en conta ademais o número de compoñentes.

10.- O xurado estará formado por persoas designadas pola concellería de cultura, e unha persoa representante do Concello das Pontes, con voz pero sen voto. As decisións do xurado serán inapelables. A valoración das persoas participantes levarase a cabo ao inicio e durante o percorrido da cabalgata.

Algún dos premios poderá quedar deserto por decisión do xurado, e así mesmo, no caso de que haxa máis premios que persoas participantes nalgunha das categorías, o xurado poderá modificar o número de disfraces premiados noutra categoría (sempre que exista crédito suficiente).

11.- A participación na cabalgata implica a aceptación destas bases.

12.- Se coa finalidade de mellorar a organización e desenvolvemento dos actos programados se considerase convinte introducir modificacións ao aquí fixado poderá facerse pola comisión organizadora e será notificado antes do comezo da cabalgata.

Saída: Rúa Monte Caxado ás **17:00 horas** do martes 21 de febreiro de 2023.

Percorrido: O recorrido exacto da cabalgata publicárase nos vindeiros días.

Entrega de premios: os premios daranse a coñecer á chegada da cabalgata e entregáranse nese momento. Todas as persoas participantes deberán esperar o anuncio da/os premiada/os xa que a ausencia dos mesmos dará lugar a que o premio se lle outorgue ao seguinte clasificada/o.

ANEXO I.

Grupos que presenten carroza

1. Cada carroza contará cun tractor ou medio de locomoción que a remolque durante o percorrido. En caso de camión-carroza, non será necesario outro vehículo para remolcar.

2.- Estes vehículos a motor deberán contar co permisos de circulación, de inspección técnica (ITV) e os seguros correspondentes, baixo a responsabilidade das persoas que figuren como inscritas.

3.- As persoas condutoras deberán contar co permiso de conducir apropiado para cada vehículo, e estará en vigor na data do evento.

4.- As persoas condutoras cumprirán o establecido no RD 2822/1998 (Regulamento xeral de condutores). Prohíbese o consumo de bebidas alcohólicas.

5. Os vehículos de arrastre deberán ter cheo o depósito de combustible para evitar problemas durante o percorrido pola vila.

6. As medidas máximas serán dun longo non superior aos 6 metros, dun ancho non superior aos 2 metros e dun alto non superior a 4 metros. En ningún caso se poderán sobrepassar as medidas establecidas.

7. Non deberán posuír elementos cortantes e deben contar con faldóns que protexan e oculten as rodas.

8. Non se poderá empregar iluminación mediante velas, petróleo, gas ou calquera outro tipo de combustible.

9. Aquelas carrozas que precisen de grupo electrógeno deberán protexer de golpes e inclemencias meteorolóxicas. O seu combustible non se poderá transportar na carroza, deberá ir no vehículo de arrastre convenientemente situado para garantir a seguridade durante o desfile ou nun depósito homologado.

10. Deberase levar un mínimo dun extintor homologado e revisado.

11. Evitarase a utilización de dispositivos lanzachamas e pirotecnia.

SOLICITUDE PARTICIPACIÓN CABALGATA DE ENTROIDO 2023. AS PONTES**DATOS DA PERSOA INTERESADA/REPRESENTANTE**

Nome e apelidos _____

ENDEREZO A EFECTOS DE NOTIFICACIÓN

Enderezo _____

CP _____ Localidade _____ Teléfono _____

ELECCIÓN DO MEDIO DE NOTIFICACIÓN PREFERENTE **Electrónica** a través do Sistema de notificación electrónica de Galicia Notific@ (<https://notifica.xunta.gal>)Notifíquese a: Interesada/o Representante

Só se poderá acceder á notificación co certificado electrónico asociado ao NIF da persoa indicada. Ao elixir esta modalidade de notificación vostede autoriza a alta no Sistema Notific@. Os avisos da posta á disposición da notificación enviaranse ao correo electrónico e/ou teléfono móbil que se facilitan de seguido:

TELÉFONO MÓBIL: _____

CORREO ELECTRÓNICO: _____

 Postal (cubrir o enderezo postal só se é distinto do indicado anteriormente)**CATEGORÍA NA QUE SE INSCRIBE** (Marcar cunha cruz o que proceda)**Persoas Adultas** Grupos ata 10 compoñentes Grupos máis 10 compoñentes Parellas Individual **Infantil** Grupos Parellas Individual **Meniña/os**

Nome do disfrace _____

Nº dorsal _____ Nº persoas participantes (só grupos) _____

Observacións/ descrición do disfrace _____

As Pontes, _____ de _____ de 2023

*De conformidade co disposto na Lei orgánica 15/1999, do 13 de decembro, de protección de datos de carácter persoal; informámoslle que os datos de carácter persoal recollidos neste documento forman parte dun ficheiro automatizado, propiedade do CONCELLO DAS PONTES DE GARCÍA RODRÍGUEZ, cuxa finalidade é a realización de xestións do servizo có usuario. Vostede poderá exercer os dereitos de acceso, rectificación, cancelación ou oposición, segundo o disposto na lei, poñéndose en contacto co noso Dpto. de Dereitos ARCO no enderezo: Parque Municipal s/n; 15320 – As Pontes de García Rodríguez, (A Coruña).

ANEXO II: documento de sinaturas para grupos.

É necesaria a sinatura de toda/os a/os compoñentes.

As persoas abaixo asinantes, persoas participantes do grupo _____,

que participaron na cabalgata de Entroido do Concello de As Pontes, autorizamos a

D/D^a. _____ con NIF _____ e

D/D^a. _____ con NIF _____ e

D/D^a. _____ con NIF _____

para o cobro do premio que o xurado da cabalgata entroido 2023 lle outorgou a este grupo/carroza.

O ingreso deberá efectuarse na conta presentada no Certificación de datos bancarios presentados.

Nº	NOME E APELIDOS	DNI	SINATURA
1			
2			
3			
4			
5			
6			
7			
8			
9			
10			
11			
12			
13			
14			
15			
16			
17			
18			
19			
20			

2º- Ordenar a inserción das citadas bases no boletín oficial da provincia.

Acordouno e asínao o concelleiro delegado da Área de Contratación e Cultura

Vicente Roca Uceira

As Pontes de García Rodríguez, 30 de xaneiro de 2023.

2023/550